



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 107. Diversæ SS. Congregationum decisiones.

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

Sæc. XVII. Cæsarem ad pacis consilia inclinarent,
 A. C. 1700. datis literis rogabat: se vero hoc offi-
 cium apud Imperatorem impendisse,
 Gallorum Regi significabat, subjungens,
 quod si Cæsar armis jus suum prosequi
 moliretur, ipse ea initurus sit consilia,
 quæ ad reddendam ab exterorum mi-
 litum incurfu immunem Italiam expe-
 dire videbuntur.

§. CVII.

*Diversæ SS. Congregationum
 decisiones.*

*Decis. SS.
 Congr. Rit.
 Episc. &c.*

Pariter Sacræ Romanæ Congregatio-
 nes hoc anno plures ediderunt Con-
 stitutiones, & quidem die decima sexta
 Januarii Sacra Concilii Congregatio de-
 cidit, quod quando Episcopus, quin
 loca sibi subjecta visitet, violenter im-
 peditur, non modo occlusas fores ef-
 fringere, sed etiam vi vim & ex-
 communicatione absque alia judiciali
 monitione repellere valeat: Canonici
 autem dignitates præsentem Archiepi-
 scopo celebrantes non valeant uti pul-
 vinari ad genuflectendum, nisi obstet
 consuetudo: ita die vigesima tertia
 ejusdem Mensis decidit S. Rituum Con-
 gregatio: sequenti autem die Inno-
 centius XII. Papa declaravit, quod sub
 generali Indulgentiarum suspensione in
 Anno

Anno sancto non comprehendantur **Sæc. XVII.**
 Altaria Privilegiata, nec aliæ indul- **A. C. 1700.**
 gentiæ pro solis defunctis concessæ:
 Saluberrime etiam S. Concilii Congre-
 gatio die sexta Februarii statuit, quod
 cogentes Virgines vel Viduas ad susci-
 piendum habitum Religionis, aut ad
 profitendum, sicut & auxilium & fa-
 vorem ad id præstantes, excommuni-
 centur, dummodo de vi illata constet,
 et si talis foemina vel Vir tacite aut ex-
 presse professionem jam ratam habuif-
 set. Eadem quoque Congregatio die
 decima quinta Maij declaravit, quod
 Judex delegatus nequeat censuras Ec-
 clesiasticas in appellationem prolatas
 relaxare, aut nullas declarare, non
 auditis partibus nec cognita caussa.
 Insuper die quinta Junii decidit, quod
 Regulares ministrantes Laicis infirmis
 hospitantibus in eorum conventibus
 Sacramenta Eucharistiæ per modum
 Viatici & extremæ unctionis absque
 Episcopi vel Parochi licentia, possint
 excommunicari. Insuper Sacra Indi-
 cis Congregatio die vigesima secunda
 Decembris coram Papa Clemente XI.
 hos damnavit libros, quorum primus:
de obligatione Conscientiæ Prælectiones de-
cem: editio secunda II. P. Richardi Arsd-
lin Theologia tripartita universa &c. De-
 nique S. Cardinalium Congregatio In-
 quisi-

Sæc. XVII. quisitionis Romanæ die secunda Junii
A. C. 1700. ex Innocentii XII. Papæ mandato dam-
 navit hos Libros I. Vindicias Juris-
 dictionis sæcularis & Imperii adversus
 usurpativam exceptionis & Immunitatis
 Ecclesiasticæ extensionem II. Epistolam
 Abbatis ad R. R. PP. Benedictinos
 Congregationis S. Mauri circa postremum
 tomum editionis S. Augustini III. Epistolam
 Benedictini Non-Reformati ad eosdem IV. Epistolam
 Abbatis Commendatarii ad eosdem V. Moni-
 tum Doctõris Theologiæ ad Præsules
 Franciæ circa responsum cujusdam
 Benedictini ad epistolam Abbatis
 Germani VI. Problema Ecclesiasticum.

§. CVIII.

*Quidam Scriptores Catholici hoc anno
 defuncti, eorum opera.*

Dupin. Bibl. nouv. t. 18. pag. 210. Vid. supra lib. 204. §. 102 p. 711. tom. 62. **R**ecensere lubet quosdam ex Scripto-
 ribus Ecclesiasticis celebriores, qui
 suis lucubrationibus clari hoc anno
 obiire: hos inter primus occurrit Ar-
 mandus Joannes Bouthilier de Rancé
 Abbas & Reformator Monasterii de
 la Trappe, de cujus instituto jam alibi
 meminimus: Scripsit celeberrimus hic
 Vir colloquia inter Abbatem Joannem
 & Eusebium Presbyterum, quæ ipso
 invito